

<<黄帝内经>>

图书基本信息

书名：<<黄帝内经>>

13位ISBN编号：9787538867718

10位ISBN编号：7538867716

出版时间：2011-7

出版时间：黑龙江科学技术出版社

作者：张志聪 集注

版权说明：本站所提供下载的PDF图书仅提供预览和简介，请支持正版图书。

更多资源请访问：<http://www.tushu007.com>

## &lt;&lt;黄帝内经&gt;&gt;

## 内容概要

先儒有云：经传而经亡。

非经亡也，亡于传经者之精而以粗求之、深而以浅视之之失其旨归也。

夫《灵》、

《素》之为烈于天下也，千百年于兹矣。

然余尝考《汉艺文志》，曰《黄帝内经》一十八卷，而《灵枢》居其九，

《素问》亦居其九。

昔人谓先《灵枢》而后《素问》者何也？盖以《素问》为世人病所由生也。

病所生而弗慎之；则无以防其流，故篇中所载阴阳寒暑之所从，饮食居处之所摄，五运生制之所由胜复。

六气时序之所由逆从，靡弗从其本而谨制之，以示人维持，而生人之患微矣。若《灵枢》，为世人病所由治也。

病既生而弗治之，则无以通其源，故本经所论营卫血气之道路，经脉脏腑之贯通，天地岁时之所由法，音律风野之所由分，靡弗借其针而开导之，以明理之本始，而惠世之泽长矣。

是《灵枢》、《素问》为万世所永赖，靡有息也。

故本经曰人与天地相参，

日月相应，而三才之道大备。

是以人气流行上应日，行于二十八宿之度，又应月之盈亏，以合海水之消长；且以十二经脉、脏腑，外合于百川汇集之水，咸相符也。

故本经八十一篇，以应九九之数，合三才之道，三而三之，咸九九八十一篇，以起黄钟之数。

其理之广，其道渊微，传竹帛而使黎民不罹灾眚之患者，孰不赖此经也哉？乃自皇甫士安类为《甲乙》针经，而玄台马氏又专言针而昧理，俾后世遂指是经为针传而忽之，而是经几为赘旒矣。

余悯圣经之失传，惧后学之沿习。

遂忘愚昧，《素问》注疏告竣，复借同学诸公，举《灵枢》而诠释之。

因知经意深微，

旨趣层折，一字一理，确有指归，以理会针，因针悟证，殚心研虑，鸡鸣风雨，未敢少休。庶几借是可告无罪乎？俾后之人读《素问》而严病之所以起，读《灵枢》而识病之所以瘳，则脏腑可以贯通，经脉可以出入，三才可以合道，九针可以同法。

察形气可以知生死寿夭之源，观容色可以辨邪正关恶之类；且也因九针而悟《洛书》之妙理，分小针而并识《河图》之微情，则前民用而范围不过者，大易之传统乎是矣，则利民生而裁成不遗者，坟典之传亦统乎是矣。

敢以质之天下后世之同学者，亦或有以谅余之灌也夫。

<<黄帝内经>>

书籍目录

- 自序
- 序
- 增补凡例
- 黄帝内经素问集注
  - 卷一
    - 上古天真论篇第一
    - 四气调神大论篇第二
    - 生气通天论篇第三
    - 金匱真言论篇第四
  - 卷二(上)
    - 阴阳应象大论篇第五
    - 阴阳离合论篇第六
    - 阴阳别论篇第七
    - 灵兰秘典论篇第八
    - 六节脏象论篇第九
  - 卷二(下)
    - 五脏生成篇第十
    - 五脏别论篇第十一
    - 异法方宜论篇第十二
    - 移精变气论篇第十三
    - 汤液醪醴论篇第十四
  - 卷三
    - 玉版论要篇第十五
    - 诊要经终论篇第十六
    - 脉要精微论篇第十七
    - 平人气象论篇第十八
    - 玉机真脏论篇第十九
  - .....
  - 卷四
  - 卷五
- 黄帝内经素问集注
- 黄帝内经素问集注
- 黄帝内经灵枢集注

## &lt;&lt;黄帝内经&gt;&gt;

## 章节摘录

插图：贼风数至，暴雨数起，天地四时不相保，与道相失，则未央绝灭。

“数”，音朔。

“贼风数至”，阳气不正，而太过也；“暴雨数起”，阴气不正，而偏胜也。

此总结上文而言，天地四时不相保其阴阳和平，而又失其修养之道，则未久而有绝灭之患矣。

唯圣人顺之，故身无奇病，万物不失，生气不竭。

唯圣人能顺天地四时之不和，而修养其神气，故无奇暴之害。

夫万物有自然之生气，虽遏不正之阴阳而不至于绝灭，唯人为嗜欲所伤，更逆其时则死，圣人内修养生之道，外顺不正之时，与万物不失其自然，而生气不绝也。

朱济公曰：“此即与万物浮沉于生长之门义。

此言万物之有生气，后言万物之有根本。

“逆春气，则少阳不生，肝气内变；逆夏气，则太阳不长，心气内洞；逆秋气，则太阴不收，肺气焦满；逆冬气，则少阴不藏，肾气独沉。

此论阴阳之气随时出入，逆则四时所主之脏自病于内也。

少阳主春生之气，春气逆则少阳不生，致肝气郁而内变矣；太阳主夏长之气，太阳不长，则心气虚而内洞矣；太阴主秋收之气，太阴不收，则肺叶热焦而胀满矣；少阴主冬藏之气，少阴不藏，则肾气虚而独沉矣。

首论所奉者少，而所生之脏受病，此论四时之气逆，而四时所主之脏气，亦自病焉。

济公曰：“少阳主厥阴中见之化，故少阳不生，而肝气内变。

心为阳中之太阳，故太阳不长，而心气内虚。

“夫四时阴阳者，万物之根本也。

所以圣人春夏养阳，秋冬养阴，以从其根。

四时阴阳之气，生长收藏，化育万物，故为万物之根本。

春夏之时，阳盛于外而虚于内；秋冬之时，阴盛于外而虚于内。

故圣人春夏养阳，秋冬养阴，以从其根而培养也。

杨君举问曰：“上节言秋冬之时，阴主收藏。

此复言秋冬之时，阴盛于外。

阴阳之道，有二义欤？

”曰：“天为阳，地为阴，天包乎地之外，地居于天之中，阴阳二气，皆从地而出，复收藏于地中。

故日未出地者，名曰阴中之阴；已出地者，名曰阴中之阳。

所谓阴主收藏者，收藏所出之阳气也。

故与万物浮沉于生长之门。

万物有此根而后能生长，圣人知培养其根本，故能与万物同归于生长之门。

济公曰：“阴阳出入，故谓之门。

“逆其根，则伐其本，坏其真矣。

根者，如树之有根；本者，如树之有干。

真者，如草木之有性命也。

逆春气则少阳不生，逆夏气则太阳不长，所谓逆其根矣；逆春气则奉长者少，逆夏气则奉收者少，所谓逆其根则伐其本矣。

逆之则灾害生，逆之则死，是谓坏其真矣。

故阴阳四时者，万物之终始也，死生之本也。

逆之则灾害生；从之则苛疾不起，是谓得道。

道者，圣人之行，愚者佩之。

言天地之阴阳四时，化生万物，有始有终，有生有死，如逆之则灾害生，从之则苛疾不起，是谓得阴阳顺逆之道矣。

然不能出于死生之数，唯圣人能修行其道，积精全神，而使寿敝天地，无有终时。

<<黄帝内经>>

愚者止于佩服而不能修为，是知而不能行者，不可谓得道之圣贤也。

从阴阳则生，逆之则死。

从之则治，逆之则乱。

反顺为逆，是谓内格。

上节言天地四时之阴阳，有顺逆死生之道。

此复言吾身中之阴阳，亦有顺逆死生之道焉。

盖天地之阴阳，不外乎四时五行，而吾身之阴阳，亦不外乎五行六气，是以顺之则生，逆之则死。

所谓顺之者，阴阳相合，五气相生，东方肝木，而生南方心火，火生脾土，土生肺金，金生肾水，水生肝木。

五脏相通，移皆有次，若反顺为逆，是谓内格。

<<黄帝内经>>

编辑推荐

《黄帝内经(经典线装本)(套装全4册)》是由黑龙江科学技术出版社出版的。

<<黄帝内经>>

版权说明

本站所提供下载的PDF图书仅提供预览和简介，请支持正版图书。

更多资源请访问:<http://www.tushu007.com>